



Općina Stari Grad
povodom 40 godina od osnivanja

U V O D

Općina Stari Grad obilježava 40 godina od svog osnivanja, u decembru 1977. godine. Tim povodom predstavljamo vam publikaciju „Općina Stari Grad – povodom 40 godina od osnivanja“ gdje smo slikom i riječju nastojali opisati samo mali dio ljepota koje krase najstariju sarajevsku općinu.

Govoriti o Starom Gradu, a ne pomenuti njegov višestoljetni rast i razvoj, te epohe i periode kroz koje je prolazio, bilo bi nepotpuno, pa se u ovoj publikaciji mogu naći i podaci o utemeljenju Sarajeva, odnosno Starog Grada, izgradnji prvih objekta, značajnim historijskim datumima koji su određivali njegovu budućnost, te na koncu o osnivanju same općine.

Kako je ova institucija neprekidno radila i tokom agresije na BiH pružajući građanima redovne usluge, ali i one koje su se u datom momentu nametale kao nužnost usljed ratnih razaranja, u publikaciji je obrađen i taj period.

Pri izradi ove publikacije korišteni su autorski tekstovi: dipl orijentaliste Alije Ibrovića, dipl.arhitekta Mufida Garibije, bh književnika Hazima Akmadžića, te drugi izvori. Dio koji se odnosi na rad općine u vrijeme agresije na naš grad su lična svjedočenja bivših i sadašnjih uposlenika Općine Stari Grad kojima izražavamo posebnu zahvalnost za saradnju: Kasim Meco, Želimir Krajnović, Diana Salihbegović, Saudin Alić, Senida Šabić-Fočo, Hidajeta Kadrić.

Publikaciju „Općina Stari Grad – povodom 40 godina od osnivanja“ izradila je Služba za odnose s javnošću i informacioni sistem Općine Stari Grad Sarajevo.



Najstariji tragovi nastanka Sarajeva i Starog Grada

Autor: Alija Ibrović dipl. orijentalista

Sarajevo je grad sa izuzetno dugim kontinuitetom življenja. U Sarajevu, u njegovoj samoj jezgri, ali i na periferiji, otkriveni su brojni lokaliteti ljudskih staništa iz različitih vremenskih epoha.

Najstarija staništa su iz vremena neolita (mlađeg kamenog doba) i riječ je o glasovitoj butmirskoj kulturi, koja je egzistirala u periodu od 2400. do 2000. godine p.n.e.

Nakon neolita život se nastavlja u epohi bronzanog doba. Bronzano doba je specifično po naseljima zvanim gradine, koje se nalaze na padinskim dijelovima – uzvisinama. Na području današnje općine Stari Grad registrovana su gradine iz bronzanog perioda: Gradac, iznad potoka Bistrik u blizini mahale Komatin, Obhodža na ušću potoka Mošćanice, te gradina iznad Bakija.



Sljedeća epoha u povijesti je željezno doba. Ovaj period obilježila su ilirska plemena koja su u Sarajevu - na njegovim padinama, gradila svoje utvrde. Posebno se ističu ilirska naselja na Debelom brdu i na području današnjeg Soukbnara, kao i gradina na lokalitetu Močila. Na ovim lokalitetima razvijalo se čuveno ilirsko pleme Desidijata. Nakon Ilira – Desidijata i njihovog djelovanja na području današnjeg Saraje-

va, a samim tim i na području današnje općine Stari Grad, slijedi epoha antičke civilizacije, a potom srednjovjekovni period, pri čemu se posebno misli na epohu srednjovjekovne bosanske države (banovine, a zatim kraljevine).

Današnje Sarajevo u srednjovjekovnoj bosanskoj državi bilo je u sastavu srednjovjekovne župe Vrhbosne. Naselje Vrhbosna imalo je nekoliko sela: Brodac, Bratnik – Vratnik,

Hvaletići – Faletići, Komatin, Hrvatin, Hrid itd. sa centralnim trgom Tornikom (naziv dobio po pazarnom danu utorku), koji se nalazio na mjestu današnjeg ušća Koševskog potoka u Miljacku. Osim trga Tornika, župa Vrhbosna imala je još jedan manji trg koji se nalazio na raskrsnici antičkih puteva, na prostoru između današnje Bentbaše i Bašćaršije.

Pored sela i dva trga, župa Vrhbosna je imala utvrdu, tj.



stari grad Hodidjed, koji je bio u funkciji samog središta župe u političko-administrativnom smislu. Stari Grad Hodidjed nalazio se na mjestu današnje Bijele tabije, mada postoje indicije da se nalazio na području Buloga (istočno od Sarajeva). Župa Vrhbosna, odnosno njezin trg na prostoru između današnje Bentbaše i Bašćaršije je, mogli bi kazati, najstariji nukleus oko kojeg počinje razvoj naselja u osmanskom periodu i koje će na kraju svoj naziv uobličiti u Sarajevo. Taj trg, odnosno nukleus budućeg Sarajeva, je ujedno i nukleus današnje općine Stari Grad.





Kako su postavljeni temelji Starog Grada i Sarajeva

Autor: Mufid Garibija, diplomirani arhitekta i poznavalac historije Sarajeva

Dolina gdje je danas Sarajevo i njena okolina u 15. vijeku su bili poprište sukoba Kraljevine Bosne i Osmanske imperije. Da bi utvrdio svoj pakt s Osmanlijama, veliki bosanski vojvoda Kosača je kao garant poslao svog brata sultanu Mehmedu II Fatihu. Kosačinog brata usvojio je Ishak-beg, a dječak je primio islam i sebi uzeo ime Isa. Ishak-beg s osmanskom vojskom prodire do ove široke i lijepe doline koja se tada zvala Vrhbosna. Tu je zatekao nekoliko malih trgova i jedno manje utvrđenje, te trgovište gdje su se ljudi okupljali utorkom.

Isa se, u međuvremenu, istakao kao vjernik, vrstan vojnik, strateg, diplomat i vizionar. Uskoro je postao očevo nasljednik pod imenom Isa-beg Ishaković. Tako je preuzeo vlast nad Bosanskim krajištem, kojim je



vladao četiri godine. Kada je donio vojnu stabilnost, postao je i bosanski sandžak-beg i vladao još četiri godine. Osim Bosanskim sandžakom, Isa-beg Ishaković vladao je zemljom sve do Skoplja. Od vlastitog novca je 1457. godine počeo gradnju tekije na Bentbaši. Bila je to prva islamska vjerska ustanova u Vrhbosni, čime su muslimani bili ohrabreni da otvoreno počnu prakticirati svoju vjeru i pozivati u nju.

Nije se zaustavio na tome

nego ga je duhovni temperament vodio u gradnji kompleksa koji je, pored tekije, uključivao imaret i musafirhanu. Čuvši za njegove podvige i graditeljske poduhvate, sultan Mehmed Fatih poslao mu je ferman da u ovoj dolini izgradi i džamiju. Isa-beg Ishaković tako je počeo s utemeljivanjem Sarajeva.

Tu prvu džamiju u gradu napravio je prije 1462. godine na lijevoj obali rijeke Miljacke. Isprva je to bila nešto manja džamija sa drvenom munarom.

Bila su vremena ratnih previranja i mnoge su se bitke vodile za Sarajevsku dolinu. Sultan Mehmed Fatih došao je tada lično sa svojom vojskom u Bosnu i donio trajnu stabilnost ovoj regiji. Ostao je zabilježen taj historijski i emotivan susret, kada je Isa-beg Ishaković dočekaio sultana Mehmeda II Fatiha, kojeg je upoznao kao dječak i na čijem je dvoru odgojen. Isa-beg je tada uručio Sultanu ključeve džamije i ona zbog toga posta poznata kao Careva džamija.







Utemeljitelj Sarajeva nije stao samo na gradnji džamije nego je vrijeme mira iskoristio da uz nju izgradi dvor (Saraj) po kom je naš grad dobio ime. Sa druge strane džamije podigao je javno kupalište tj. hamam. Podigao je i most preko Miljacke, te sa suprotne strane napravio Kolobaru han, prenočište za sve dobronamjerne goste grada. Taj veliki dobrotvor je uvakufio sve što je podigao i ništa od pomenutog nije ostavio za sebe ili svoje potomke. Mezar mu se nalazi u mezaristanu iza Careve džamije.

Najveći namjesnik Gazi Husrev-beg

Gazi Husrev-beg je bio najznačajniji namjesnik Bosne u osmanskom periodu. Sa manjim prekidima vladao je od 1521. do 1541. godine i donio je veliki prosperitet Bosni. Istakao se kao vrstan ratnik, osvajač, vladar i graditelj. Upamćen je kao najveći vakif Sarajeva koji je obnovio Carevu i druge džamije, te izgradio najveću džamiju nazva-

nu baš po njemu. Tu je napravio i veliku biblioteku, te dao mnogo novca da se iz svih dijelova carstva prikupe knjige za nju. Podigao je medresu (školu) koja još uvijek radi i koja je do sada svjetovnom i duhovnom naukom obogatila više od 450 generacija. Napravio je sahat kulu, a ispod nje veliki imaret (javnu kuhinju) da u Sarajevu ne bi bio niti jedan gladan čovjek. Podigao je i tekiju jer je i sam bio derviš-sufija hal-

vetijskog reda, a u blizini i veliki kameni han Tašlihan sa dugim bezistanom. Gradu je darovao i veliku i tada najmoderniju bolnicu, te brojne male dućane od čijeg su se iznajmljivanja trebale održavati ove humane i duhovne institucije.

Među hajratima koje je ovaj veliki čovjek podigao ostao je i Gazi Husrev-begov hamam izgrađen prije 1537. godine.

Gradnjom svoje džamije

Gazi Husrev-beg je 1530. godine započeo podizanje kompleksa do tada neviđenog na ovim prostorima, a usred Baščaršije. Begova džamija je sa munarom visokom 47 metara, sve do izgradnje Saborne crkve, bila najviši objekt u Sarajevu.

Ono što je Isa-beg započeo, nastavio je Gazija izgradnjom niza objekata bez kojih Sarajevo, odnosno Stari Grad ne bi bili prepoznatljivi.









Višestoljetni razvoj

Osmanski, a potom i austrougarski period vladavine obilježili su višestoljetni razvoj Starog Grada i Sarajeva. Krajem 17. stoljeća princ Eugen Savojski zauzeo je Sarajevo, orobio, opljačkao i zapalio grad.

Vladavina Austro-Ugarske monarhije obilježila je period od 18. do početka 20. stoljeća. U tom periodu izgrađeni su brojni objekti pred čijom ljepotom i danas mnogi zastanu: 1869. godine izgrađena je rezidencija Konak, 1897. godine izgrađen je Cev most,

a 1894. godine prema projektu Aleksandra Viteka i Ćirila Ivekovića izgrađena je Gradska Vijećnica. Hotel „Evropa“ bio je prvi sagrađeni hotel u Sarajevu, a sagrađio ga je Gligorije Jeftanović 1882. godine. Petnaest godina kasnije sagrađen je hotel Central.







Prvi i Drugi svjetski rat

Sarajevo i Stari Grad su 1914. godine postali centar svjetskih zbivanja. Te godine je u Sarajevu ubijen austrougarski prijestolonasljednik Franc Ferdinand i njegova supruga Sofija. To je označilo početak Prvog svjetskog rata. Nakon Prvog svjetskog rata, Sarajevo je postalo dijelom Kraljevine Srba, Hrvata i Slovenaca. Osim zgrade današnje Cen-

tralne banke Bosne i Hercegovine, u tom periodu nije bilo značajnijih graditeljskih doprinosa gradu.

Prvi svjetski rat odnio je nekoliko hiljada života Sarajlija, a u Drugom svjetskom ratu za oslobođenje Sarajeva od 1941-1945. godine palo je preko 10.000 života, dok je među poginulim borcima u partizanskim redovima bilo 1.890 Sarajlija. Borci 16. musliman-

ske Narodno-oslobodilačke brigade bili su prvi partizani koji su zakoračili u Sarajevo, spustivši se preko Vratnika i Kovača na Baščaršiju. Kroz Vratničku kapiju jedinice brigade su prošle oko 17.30 sati, 5. aprila 1945. godine. Likvidirali su njemački otpor u Vijećnici i istakli na njoj novu jugoslavensku zastavu, što je simbolično označilo oslobođenje Sarajeva od fašizma.




Evropski Jerusalem

Na oko 100 metara zračne udaljenosti u Starom Gradu uzdižu se četiri bogomolje: islamska, pravoslavna, katolička i jevrejska. Begova džamija, Katedrala, Stara pravoslavna crkva i Jevrejska sinagoga su stoljećima dokaz suživota u Starom Gradu. Zato Stari Grad zovu Evropskim Jerusalemom.

Na području Starog Grada nalazi se najveći broj kulturno-historijskih spomenika u Sarajevu. Samo rijetki se mogu pohvaliti objektima poput: Vijecnice, Konaka, Despića kuće, Svrzine kuće, Saburine kuće, Inat kuće, Morića hana, Kolobare, Brusa bezistana, Sebilja, Bijele i Žute tabije...Vjerski objekti poput Begove džamije, Careve džamije, Bakr-babine džamije, Bašçaršijske džamije i brojnih drugih, zatim Katedrale, Crkve Svetog Ante, Saborne crkve, Stare pravaoslavne crkve, Jevrejske sinagoge...daju poseban pečat Starom Gradu. A, Bašçaršija je ljepota sama po sebi!









Osnivanje Opštine Stari Grad Sarajevo

Skupština Socijalističke Republike Bosne i Hercegovine na sjednicama Društveno-političkog vijeća i Vijeća opština održanim 16. decembra 1977. godine, donijela je Zakon o obrazovanju opština Sarajevsko polje i Stari grad Sarajevo, koji je potpisao tadašnji predsjednik Predsjedništva SR-BiH Rato Dugonjić. Zakon o obrazovanju opština Sarajevsko polje i Stari grad Sarajevo objavljen je u Službenom listu SR-BiH, 27. decembra, 1977. godine. Prema tom Zakonu, područje opštine Stari grad Sarajevo obuhvatalo je naseljena mjesta: Barice, Blizanci, Bulozi, Donje Biosko, Donje Međuše, Dovlići, Faletići, Gornje Biosko, Gornje Međuše, Hreša, Kumane, Njemanica, Moćioći. Sarajevo dio koji pripada ovoj opštini utvrđen granicom određenom u ovom Zakonu, Studenkovići i Vučija Luka. (detaljnije u kopiji Službenog lista)

Istim zakonom propisano je da Skupština opštine Centar izvrši delegiranje, odnosno izbor prvih delegata u vijeće Skupštine

Strana 1048 — Broj 35

SLUŽBENI LIST SRBiH

Utorak, 27. decembra 1977.

340

Na osnovu člana 349. stav 1. tačka 5. Ustava Socijalističke Republike Bosne i Hercegovine, Predsjedništvo Socijalističke Republike Bosne i Hercegovine izdaje

UKAZ

O PROGLAŠENJU ZAKONA O OBRAZOVANJU OPŠTINA SARAJEVSKO POLJE I STARI GRAD SARAJEVO

Progllašava se Zakon o obrazovanju opština Sarajevsko polje i Stari grad Sarajevo, koji je donijela Skupština Socijalističke Republike Bosne i Hercegovine na sjednici Društveno-političkog vijeća od 16. decembra 1977. godine i na sjednici Vijeća opština od 16. decembra 1977. godine.

PR broj 318
16. decembra 1977. godine
Sarajevo

Predsjednik
Predsjedništva SRBiH,
Rato Dugonjić, s. r.

ZAKON

O OBRAZOVANJU OPŠTINA SARAJEVSKO POLJE I STARI GRAD SARAJEVO

Član 1.

Ovim zakonom obrazuju se opštine, i to:

- 1) opština Sarajevsko polje — sa sjedištem Skupštine opštine u Sarajevu, i
- 2) opština Stari grad Sarajevo — sa sjedištem Skupštine opštine u Sarajevu.

Član 2.

Područje opštine Sarajevsko polje obuhvata naseljena mjesta: Ahatovići, Bojnik, Dobrinja, Dobroševići, Dvor, Gornji Dolac, Mihaljevići, Rajlovac, Rečica, Rečljevo, Sarajevo dio koji pripada ovoj opštini utvrđen granicom određenom u stavu 3. ovog člana, Smiljevići, Zabrđe i Zuć.

Naseljena mjesta iz prethodnog stava izdvajaju se iz područja opštine Novo Sarajevo.

Granica između opštine Sarajevsko polje i opštine Novo Sarajevo počinje od granice opštine Vogošća i opštine Novo Sarajevo na mjestu zvanom Solišta koje čini tromedu između opštine Novo Sarajevo, opštine Sarajevsko polje i opštine Vogošća. Od ove tromede granica ide prema jugu koritom Buća Potoka do organizacije udruženog rada »Zrak«. Odavde granica blago skreće u pravcu jugozapada između parcela broj 2489, 2420 i 2501 k. o. Novo Sarajevo I, s jedne strane, i parcela broj 2417, 2423, 2421, 2493, 2492, 2491, 2490, 2481, 2498, 2487, 2619, 2618, 2494, 2496, 2498 i 2499 k. o. Novo Sarajevo I, s druge strane, do tromede parcela broj 2499, 2500 i 2501 k. o. Novo Sarajevo I. Od ove tromede granica skreće u pravcu jugoistoka, ide granicom

jugu — sredinom šeste transverzale do mosta na rijeci Miljacki, između naselja Čengić Vila II i Otoka. Od mosta skreće u pravcu istoka lijevom obalom rijeke Miljacke do željezničkog mosta na Miljacki (podvoznjak). Od mosta granica skreće prema jugu nasipom željezničke pruge Sarajevo — Višegrad do Kumrovačke ulice. Nastavlja Kumrovačkom ulicom do raskršća Sremske, Prijedorke, Kumrovačke i Kumanovske ulice. Od ove tačke produžava Kumanovskom ulicom, izlazi na Milinkladsku i dalje produžava Milinkladskom ulicom do tačke gdje se sastaju ulice Milinkladska, Ozrenska. Od ovog mjesta granica skreće u pravcu zapada, ide južnom stranom Ozrenske ulice do mjesta Bogoševac. Od Bogoševca nastavlja na jugozapad granicom parcela 15, 14, 13, 11 i 10 k. o. Lukavica, s jedne strane, i parcela broj 17, 19, 268, 270, 271, 272, 290 i 365 k. o. Lukavica, s druge strane, do kasarne »Slaviša Vajner Čiča« i produžava zapadnom stranom kasarne do potoka »Tilava«. Odatle ide uzvodno potokom »Tilava«, do tromede parcela 2273/2, 2271 i 3149. Od ove tromede se odvaja u pravcu juga, presijeca Lukavičku cestu, a zatim izlazi na Kasindolsku cestu. Zatim produžava u pravcu jugozapada, do mjesta Bijelo Polje odnosno do granice opština Novo Sarajevo i Plidža.

Član 3.

Područje opštine Stari grad Sarajevo obuhvata naseljena mjesta: Barice, Blizanci, Bulozi, Donje Biosko, Donje Međuše, Dovlići, Faletići, Gornje Biosko, Gornje Međuše, Hreša, Kumane, Njemanica, Moćioći, Sarajevo dio koji pripada ovoj opštini utvrđen granicom određenom u stavu 3. ovog člana, Studenkovići i Vučija Luka.

Naseljena mjesta iz prethodnog stava izdvajaju se iz područja opštine Centar Sarajevo.

Granica između opštine Stari grad Sarajevo i opštine Centar Sarajevo ide od sastava granice opštine Centar Sarajevo i naseljenog mjesta Srednje, u pravcu juga uzvodno potokom Skakavca do donjeg izvora na mjestu zvanom »Bijela Ravna«, a zatim skreće u pravcu zapada i ide u izlomljenoj liniji putem, a zatim kosom pored Lubinog dola do tromede parcela 1042/20, 1042/21 i 301 k. o. Nahorevo, skreće na jug i ide u izlomljenoj liniji granicom parcela Sol. 811, 808, 829, 833/1 k. o. Nahorevo, koje ostaju naseljenom mjestu Viča i parcela 800/3, 800/2, 815, 831/1, 813/2, 812/2, 812/3, 821/1, 833/2, 762/2 k. o. Nahorevo koje ostaju naseljenom mjestu Moćioći do tromede parcela 762/2, 761/1, 833/1 koja leži u potoku, dalje ide niz potok koji prolazi kroz parcelu 703/1 k. o. Nahorevo i ide do njegovog ušća u Bozimeni potok na mjestu Viča, Moćioći i Nahorevo, nastavlja uzvodno potokom do mjesta »Zenilke«, a zatim nastavlja putem u pravcu zapada do izvora potoka Grončanica pod Zenikom, dalje ide niz krak potoka Grončanica do njegovog ušća u glavni potok Grončanicu, zatim produžava uzvodno potokom Grončanica do tromede naseljenih mjesta Moćioći, Nahorevo i Mrkovići koja leži do mjesta zvanog »Krava-

opštine Stari grad Sarajevo izvršeno je na redovnim izborima održanim 1978. godine.

Zgrada Skupštine opštine Stari Grad izgrađena 1980. godine

Odmah po obrazovanju Opštine Stari grad Sarajevo, već 1978. godine jedan dio uposlenika preusmjeren je iz Opštine Centar u privremene prostorije/poslovnice u Starom Gradu koje su se nalazile na mjestu dijela današnje Pijace Markale i u Staklenom gradu u Ferhadiji. Iste godine projektovana je i zgrada Općine Stari Grad i počela je njena gradnja. Zgradu Skupštine opštine Stari grad projektovao je arhitekta Zoran Brož koji je za svoj rad 1980. godine dobio Veliku nagradu beogradskog Salona arhitekture za najbolje izloženu realizaciju, kao i republičku Borbinu nagradu za najbolje arhitektonsko ostvarenje u Bosni i Hercegovini te 1980. godine. Zvanično je zgrada useljena početkom maja 1980. godine.





Upravljačka struktura Općine Stari Grad

U periodu od 1978. godine Općinom Stari Grad su rukovodili predsjednici Skupštine Opštine Stari Grad: Nijaz Mutevelić (01.05.1978. - 30.04.1982.), Ahmed Ćerić (01.05.1982. - 17.04.1983.), Anton Štitić (17.04.1983. - 30.04.1984.), Momir Jungić (01.05.1984. - 30.04.1986.), Ante Markotić (01.05.1986. -

30.04.1987.), Rešad Viteškić (01.05.1987. - 30.04.1989.), Momir Kravić (01.05.1989. - 31.12.1990.), Selim Hadžibajrić (01.01.1991. - 30.04.1994.) i Mustafa Mujezinović (Grad, 01.05.1994. - 30.10.1996.).

Od 1996. godine Općinu Stari Grad vodili su općinski načelnici: Halima Hadžijamković (01.11.1996 - 30.09.2000.), Fehim Škaljić (01.10.2000. - 30.09.2004.), Mustafa Resić

(01.10.2004. - 30.09.2008.) i Ibrahim Hadžibajrić (01.10.2008. - danas).

Od 1995. godine do danas, Općinskim vijećima Stari Grad predsjedavali su:

Tarik Poturović (1995 - 1997), Fehim Škaljić (1997 - 2000), Ismet Ovčina (2000 - 2004), Rizah Avdić (2004 - 2008 i 2008 - 2012), Vedran Dodik (2012 - 2016) i Jusuf Pušina (2016 - danas).



Općina nije prestajala sa radom ni u vrijeme agresije

U vrijeme agresije na Bosnu i Hercegovinu, od 1992-1995. godine, Općina Stari Grad nije prestajala sa radom. I pored ratnih uslova, Općina je bila na raspolaganju građanima za sve vrste usluga koje im je u toku agresije mogla pružiti, a bila je pod upravom Ratnog predsjedništva BiH. Prema svjedočenju općinskih uposlenika koji su i tada obavljali svoje redovne

poslove, u administraciji je za vrijeme agresije radilo 50-ak službenika.

U to vrijeme Stari Grad je imao 19 mjesnih zajednica (pored sadašnjih, Vratnik, Logavina i Medrese su bile podijeljene na dva dijela) i sve su radile i bile na usluzi građanima. Mjesne zajednice imale su veliku ulogu u pomoći stanovnicima, u njihovim prostorijama je dijeljena humanitarna pomoć, dijeljeni su paketi pomoći ran-

jenicima, invalidima i demobilisanim borcima, organizovani su radni vodovi i podjela materijala za provođenje plina kako bi se stanovništvu osiguralo grijanje u zimskim mjesecima, a organizovani su i punktovi za subvencioniranje stanovništva za kupovinu ogrjeva. Mjesne zajednice su ostvarivale saradnju i redovnu komunikaciju sa humanitarnim organizacijama, naročito sa Crvenim krstom/križom, kao i sa javnim kuhin-



jama kako niko od stanovnika ne bi bio gladan i imao siguran obrok. Uloga mjesnih zajednica u vrijeme agresije bila je ogromna, a pomoć koju su pružali stanovnicima kroz svoje usluge nemjerljiva.


Stradali građani Starog Grada 1992-1995.godine

Usljed granatiranja i djelovanja mina u periodu 1992-1995.godine, u Starom Gradu stradali su brojni građani: 23. avgust, 1992.godine Halači do broja 5, Daire, ubijeno petero, ranjeno troje; 15. januar, 1993. godine Isevića sokak (kod Pivare), ubijeno sedmero, ranjeno devetero; 12. juni, 1993.godine Budakovići (mezarje), ubijeno 10, ranjeno troje; 26. juni, 1993. godine Bakarevića do broja 5, ubijeno sedmero, ranjeno sedmero; 5. februar, 1994. godine Pijaca Markale, ubijeno 67, ranjeno 142. U ove žrtve nisu uračunati gubici Armije RBiH, jedinica i sastava u zoni odgovornosti Starog Grada.



Stari Grad se danas prostire na 51,4 km²

Po završetku agresije na BiH, potpisivanjem Dejtonskog sporazuma, Općina Stari Grad postala je dio Kantona Sarajevo i jedna je od njegovih devet općina. Prije rata, Općina je zauzimala površinu od 124 km², dok je nakon Dejtonskog sporazuma, njena površina smanjena i sada iznosi 51,4 km², što predstavlja umanjeње od 58,5 %. Na području Općine živi oko 38.600 stanovnika. U sklopu Općine je 16 mjesnih zajednica: Babića Bašča, Bašćaršija, Bistrik, Hrid-Jarčedoli, Kovači, Logavina, Mahmutovac, Medrese, Mjedenica, Sedrenik, Sumbuluša, Širokača, Toka-Džeka, Ferhadija, Vratnik i Mošćanica. Prostor Općine se nalazi na mjestu gdje rijeka Miljacka napušta planine i ulazi u Sarajevsko polje. Sa južne strane teritorija Općine je ograničena Trebevićem, a



1. Mošćanica,
2. Sedrenik,
3. Medrese,
4. Sumbuluša,
5. Logavina,
6. Kovači,
7. Vratnik,
8. Bašćaršija,
9. Babića Bašča,
10. Bistrik,
11. Ferhadija,
12. Hrid-Jarčedoli,
13. Mahmutovac,
14. Toka-Džeka,
15. Mjedenica,
16. Širokača.

na sjeveru Crepoljskim. Osim uz obale rijeke Miljacke, gdje je uski pojas ravnice, područje Općine je uglavnom padinsko i nalazi se između 540 i 1500 metara nadmorske visine.

Dan Općine Stari Grad Sarajevo

Na sjednici Općinskog vijeća Stari Grad Sarajevo, održanoj 21. maja, 2001. godine, jednoglasno je usvoje-

na Odluka da će se 02. maj ubuduće obilježavati kao Dan Općine Stari Grad. Tog datuma, 1992. godine odlučivalo se o sudbini Starog Grada i Sarajeva. Drugog maja su se vodile presudne bitke za odbranu Starog Grada, ali i Sarajeva: borba za kasarnu Druge armijske oblasti, presijecanje kolone motornih vozila u Dobrovoljačkoj ulici,

odbrana zgrade Predsjedništva i oslobađanje predsjednika Predsjedništva BiH Alije Izetbegovića. Prvi put je 02. maj proslavljen kao Dan Općine Stari Grad Sarajevo 2002. godine. Od tog dana pa do danas Dan Općine Stari Grad obilježava se svečano, kroz različite kulturne, sportske, zabavne, te sadržaje posvećene boračkoj populaciji, kao i najmlađima.



Međunarodni standard poslovanja ISO 9001:2015

Općina Stari Grad je još 2003. godine stekla certifikat za sistem kvaliteta u upravi Standard ISO 9001:2000 i to zahvaljujući svom strateškom planiranju i ključnim odrednicama razvoja, te za unapređenje života i rada unutar ove zajednice. Općina je tada bila prva jedinica lokalne samouprave u BiH sa ovim certifikatom. Nažalost, standard nije redovno održavan, pa je usljed toga pono-

vo urađeno certificiranje 2010. godine. Nakon intenzivnih, višemjesečnih priprema, koje su obuhvatale edukaciju prema novom standardu, work-shopove, te pripremu poslovnika i procedura, Općina Stari Grad Sarajevo je stekla certifikat ISO 9001:2008. Certifikat ISO 9001:2008 bio je dokaz usklađenosti sistema rada administracije Općine Stari Grad, sa strogim kriterijima koje je postavljalo to izdanje međunarodnog standarda. U januaru

2017. godine provedena je recertifikacija. Ona je pokazala da ova jedinica lokalne samouprave posluje u skladu sa svim zahtjevima međunarodnog standarda, a aktivnim radom i zalaganjem menadžera i Tima za kvalitet, kao i cijele organizacije, sistem je usklađen i sa zahtjevima najnovijeg međunarodnog standarda ISO 9001:2015. I, još jednom, Općina Stari Grad bila je prva jedinica lokalne samouprave u BiH koja je stekla ovaj certifikat!



Regionalna i međunarodna saradnja

U proteklih 25 godina Općina Stari Grad je uspostavljala čvrste pobratimske veze sa brojnim općinama i gradovima u regiji, ali i šire. Prva pobratimska saradnja ostvarena je sa najstarijom istanbulskom Općinom Fatih 1992. godine, ali su te veze tokom ratnih i poratnih godina pokidane i izgubio se pisani trag bratimljenja. Iz tog razloga sa Općinom Fatih ponovo je potpisan sporazum o bratimljenju 2016. godine. Općinu Stari Grad jaki prijateljski i pobratimski odnosi vežu i sa drugim općinama i gradovima iz Republike Turske, a to su u prvom redu grad Bursa i Općina Osmangazi, a potom Općine Silivri, Karamursel, Kepez, Seldžuk-Konya, Umraniye, Mamak, te turska općina Mehmedik sa Sjevernog Kipra. Zahvaljujući njihovim donacijama, na prostoru općine su proteklih godina realizovani brojni projekti iz oblasti infrastrukture, nove gradnje, školstva i drugog.

Osim navedenih, Općinu

Stari Grad pobratimski odnosi vežu i sa općinama:

Castagneto di Carducci (Republika Italija), Bosanska Krupa (Bosna i Hercegovina), Ulcinj (Crna Gora), Budva (Crna Gora), Kruja (Republika Albanija), Peć (Kosovo), Karpoš (Republika Makedonija),

Kragujevac (Republika Srbija), Ohrid (Republika Makedonija), Gostivar (Republika Makedonija), Makarska (Republika Hrvatska), Olovo (Bosna i Hercegovina), Općina 12 grada Teherana (Islamska Republika Iran) i Aleksejevski Moskva (Ruska Federacija).

Općina
Stari Grad Sarajevo
Dobro došli



Municipality
of Stari Grad Sarajevo
Welcome

Pobratimske općine i gradovi
Sister cities and municipalities
Kardeş Belediyeler ve Kardeş Şehirler



Općina Fatih
Republika Turska - Istanbul



Grad Castagneto Carducci
Republika Italija - Castagneto Carducci



Općina Karamursel
Republika Turska - Karamursel



Općina Osmangazi
Republika Turska - Bursa



Općina Bosanska Krupa
Bosna i Hercegovina -
Bosanska Krupa



Općina Uluç
Crna Gora - Uluç



Općina Kepez
Republika Turska - Antalya



Općina Budva
Crna Gora - Budva



Općina Silivri
Republika Turska - Istanbul



Općina Peć
Kosovo - Peć



Općina Kruja
Republika Albanija - Kruja



Općina Karpoš
Republika Makedonija - Skopje



Općina Seldžuk
Republika Turska - Konya - Seldžuk



Grad Kragujevac
Republika Srbija - Kragujevac



Općina Umraniye
Republika Turska - Istanbul
- Umraniye



Općina Mamak
Republika Turska - Ankara



Općina Ohrid
Republika Makedonija - Ohrid



Općina Gostivar
Republika Makedonija - Gostivar



Grad Makarska
Republika Hrvatska - Makarska



Grad Buzet
Republika Hrvatska - Buzet



Općina Olovo
Bosna i Hercegovina -
Olovo

Impressum

Izdavač:

Općina Stari Grad Sarajevo

Tiraž:

500

Pripremili:

Almedina Porča

Alma Imamović

Nedim Šahović

DTP:

Safet Mališević

Fotografije:

Safet Mališević i drugi izvori

Adresa:

Zelenih beretki br. 4, 71000 Sarajevo

web:

www.starigrad.ba

e-mail:

info@starigrad.ba

Tel./fax:

+387 33 282 385, +387 33 217 916



www.starigrad.ba